



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ad Leonem X. Pontificem Maximvm

[Straßburg], 1519

VD16 L 3409

Conclusio LXVIII.

urn:nbn:de:hbz:466:1-34717

M. L. RESOLUTIONES DE VIRTUTE IN
recte intelligendi, ut errans credat dei gratiã hic dari. Ipsi enim
non exponunt, ne sibi ipsis contradicere cogantur, aut menda-
ces inueniantur, quod paruum dixerint magnum.

CONCLUSIO LXVIII.

Sunt reuera minime ad gratiam dei & crucis pietatem
comparatae.

IMMO comparatae ad dei gratiam, sunt nihil & nullae, cum
potius contraria operentur gratiae dei, tamen propter ignauos
& pigros toleratae, Et patet ex dictis.

CONCLUSIO LXIX.

Tenentur Episcopi & Curati ueniarum Apostolicarũ,
Commisarios cum omni reuerentia admittere.

QVIA authoritati papali, in omnibus cum reuerentia ces-
dendum est. Qui enim potestati resistit, resistit dei ordinationi,
qui autem deo resistunt, ipsi sibi damnatione acquirunt. Et do-
minus ipse, Qui uos spernit, me spernit. Igitur licet in rebus exi-
guis, nihilo tamen minus, q̄ in magnis, authoritati cedendum.
Hinc illud etiam uenit, quod & si Papa ferret iniustas sententias,
timendae tamen sunt, & ut Carolus inquit Imperator, Quicquid
imposuerit, quantumuis graue sit, ferendum est, sicut & ex
perientia uidemus fieri ab Ecclesia, quae certe infinitis oneribus
hodie premitur, & tamen pie & humiliter fert quieta. Id tamen
intelligendum est, ne quis in erroneam conscientiam ueniat, quae
si ideo sint timendae iniustae sententiae, quia sint approbatae tan-
q̄ iustae, ab ijs, qui debent eas timere, Cũ ipsemet Pontifex, aliq̄s
decernat ab Ecclesia ligari, qui tamen coram deo ligati nõ sunt,
& cogit eos ligationem ferre, nec eis nocet talis ligatio, quia est
pœna tantum, & timeri debet, non autem scrupulum conscien-
tia facere, sicut timere debemus deum, in omni alia uiolentia,
etiam prophana, & non per contemptũ superbe reluctari, Ita &
onera sunt ferenda, nõ quod recte fiant, & approbanda sint, sed
ut flagella a deo inflicta, & humiliter portanda. Quare senten-
tia iniustae & onera sunt timenda, non propter illud uerbum,
Quodcunq; ligaueris, sed propter illud generale praecipitum, Es-
to consentiens aduersario tuo in uia, Et illud, Qui te percussit